



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Eisdem.

**urn:nbn:de:hbz:466:1-20020**

## 680 Epistolarum Innocentij III.

cujuslibet contradictionis & appellationis obstaculo procedatis, eos qui se gratia, odio vel timore subtraxerint per censuram ecclesiasticam compellentes veritati testimonium perhibere; ut per relationem vestram certificati de ipsis, sine personarum acceptione quod justum fuerit auctore Dominino statuamus. Nullis litteris obstantibus haec tenus à fide apostolica imperatris. Quod si non omnes &c. tu, frater Episcope, cum eorum altero &c. Datum Signæ 11. Non. Septemb. pontificatus nostri anno decimoquinto.

### ABBATI DE TILIETO.

Epiſt. 160.  
Vt Albigenan-  
ses reverentiā  
exhibeant Ar-  
chiepiscopo  
Iauensi.

**C**VM dilectis filiis electo & Clericis Albinganensis nostris dederimus litteris in mandatis ut venerabili fratri nostro Iauensi Archiepiscopo tamquam suo Metropolitano impendant obedientiam & reverentiam debitam ac devotam, sicut à prædecessoribus nostris Romanis Pontificibus est statutum, devotioni tuae per apostolica scripta mandamus quatenus eos ad hoc diligenter moneas & inducas &, si necesse fuerit, per censuram ecclesiasticam sublatu appellations obstaculo prævia ratione compellas. Datum Signæ VIII. Idus Iulij, pontificatus nostri anno quintodecimo.

### XANTONENSI EPISCOPO, & Priori Sulbiensi Xantonensis dioceſis.

Epiſt. 161.  
De ordinanda  
Ecclesia Sulbi-  
ensi.

**S**Icut tu, fili Prior, transmiflo nobis pectorio intimasti, cùm Ecclesia Sulbiensis ob guerrarum discrimina cum suis omnibus ædificiis olim fuerit devasta, consumptis penitus bonis ejus, sic ipsam de bonis tuis obtenta retributionis aeternæ tam in ædificiis quam aliis necessariis procurasti salubri studio postmodum reparare quod in ea requiri potest hodie non immerito cultus Dei. Propter quod à te nobis extitit humiliiter supplicatum ut ibidem faceremus personas idoneas ordinari, quæ in eadem præstarent Domino devotum jugiter famulatum; maximè cùm eidem Ecclesiae vix octo Canonicī serviant, cui solebant dudum viginti & amplius personali residentia deseruire, ac quidam non residentes ibidem ipsius ordinationem nitantur nequierer impedire. Nos igitur, fili Prior, tuas preces humiles admittentes, & cultum etiam zelantes domus Dei, discrezioni vestrae præsentium auctoritate mandamus quatenus tot in præfata Ecclesia Canonicos idoneos ordinare sagaci providentia studeatis quot ipsius expuntur fa-

cultates, & qui possint ibidem per jugem residentiam impendere Domino tam gratum obsequium quam devotum, contra dictores, si qui fuerint, vel rebelles per censuram ecclesiasticam appellatione postposita compelentes. Verum cùm dilectus filius W. de sancto Albino Clericus peroperat in eadem Ecclesia ordinari, devotionem vestram rogandam duximus & monendam, per apostolica vobis scripta mandantes quatenus ob reverentiam apostolice sedis & nostram ipsum cum aliis ordinandis, si fuerit idoneus, admittatis in Canonicum & in fratrem ipsi Ecclesie servitum. Datum Signæ xiv. Kal. Octob. pontificatus nostri anno quintodecimo,

### EPISCOPO ET CAPITVLQ Tripolitanis.

**P**Etiis per sedem apostolicam edoceri utrum cùm propter Hospitalios vel Templarios civitas vestra generaliter supponitur interdicto, eisdem non servantur. vos illud teneamini observare. Ad quod sic duximus respondendum, quod illorum excessus vobis non præbet licentiam excedendi; sed si præfati Hospitalij vel Templariorum privilegiorum suorum fines excederint, violando temere interdictum quod pro illis fuerit promulgatum, ne ipsi videantur de aliorum fletu ridere, vos in poenam præsumptionis eorum, quandiu ipsi violaverint interdictum, de nostra licentia celebretis. Datum Signæ xiv. Kal. Octob. pontificatus nostri anno quintodecimo.

### EISDEM.

**S**Ignificantibus vobis ad audientium apololatus nostri pervenit quod cùm olim in Ecclesia vestra duodecim Canonorum numerus & totidem præbendarum fuerit rationabiliter institutus, & vos, quorundam inducti precibus, sex Canonicos receperitis ultra numerum constitutum in ejusdem Ecclesia non modicam lesionem, ut possetis hujusmodi relevare gravamen & excludere materiam concedendi beneficia vacatura, antiquum numerum duodecim Canonorum & præbendarum in eadem servari Ecclesia de cetero statuisti, quod petiis humiliiter apostolico munimine roborari. Nos igitur vestris precibus inclinati, statutum ipsum, sicut absque præjudicio alieno utiliter & provide factum est, præsentium auctoritate præcipimus inviolabiliter observari, nisi adeo excreverint ejusdem Ecclesiae facultates quod pluribus

pluribus possint sufficere competenter.  
Nulli ergo &c. usque incursum. Datum  
Laterani i v. Kal. Octob. pontificatus no-  
stri anno decimoquinto.

*SIDONIENSI ET ACCONENSI*  
*Episcopis, & Thesaurario Acconensi.*

Epist. 164.  
De eadem re.

**A**d petitionem dilecti filij I. Thesau-  
rarij & W. Canonici Tripolitanorum,  
quos venerabilis frater noster Episcopus &  
dilecti filii Capitulum Tripolitanum ad se-  
dem apostolicam transmiserunt, fraterni-  
tati velut per apostolica scripta manda-  
mus quatinus si quid contra statutum de-  
servando numero in Tripolitana Ecclesia  
duodecim Canonicorum & totidem prae-  
bendarum utiliter & providè factum ab E-  
piscopo & Capitulo memoratis post appella-  
tionem ad nos à nuntiis prædictis legitime  
interpositam & à Capitulo in communi-  
ni receptam antequam iter arriperent ad  
sedem apostolicam veniendi fuit temere  
attentatum, cognita legitimè veritate, de-  
cernatis auctoritate nostra carere robore  
firmatis. Quod si non omnes &c. Datum  
Laterani i v. Kal. Octob. pontificatus no-  
stri anno decimoquinto.

*LEONARDO PRESBYTERO*  
*de sancto Elia & fratribus ejus.*

Epist. 165.  
Confirmat i m-  
nimitatem.

**C**um à nobis petitur &c. usque perdu-  
catur effectum. Eapropter, dilecti in  
Domino filij &c. usque assensu, libertatem  
& immunitatem quas domus vestra obti-  
nuit ab antiquo, & dilectus filius A. Ca-  
frensis electus de consensu fratrum suorum  
vobis providè confirmavit, sicut in ipsius  
confirmationis authenticō plenius conti-  
netur, auctoritate apostolica confirmamus  
& praesentis scripti patrocinio cōmūnimus.  
Nulli ergo &c. confirmationis &c. usque in-  
cursum. Datum Laterani i i. Non-  
Octob. pontificatus nostri anno quintode-  
cimo.

*ARCHIEPISCOPO*  
*& Capitulo Bisuntinensis.*

Epist. 166.  
Responde ad  
coram consula-  
ta.  
Cap. Ligois,  
De conser. Ec-  
clis.

**L**igneis ædificiis Ecclesiæ vestre casu  
quodam igne consumptis, parietibus  
tamen illæsis, ac mensa principalis altaris  
in sui extremitate modicam passa fractu-  
ram, quasi vestris per sedem apostolicam  
edoceri si propter hoc ipsius altaris vel  
etiam totius Ecclesiæ deberet consecratio  
innovari. Ad quod sic duximus responden-  
dum, quod cum parietes in sua integritate  
permanserint, & altaris tabula mota vel  
enormiter lata non fuerit, ob casum præ-

Tom. II.

dictum nec Ecclesia nec altare debet de-  
nuo consecrari. Datum Laterani Non.  
Octob. pontificatus nostri anno quintode-  
cimo.

*NOBILI VIRO SIMONI*  
*de Monteforti Comiti Leicestrie &*  
*Vicecomiti Bitterenſi.*

**C**um dilectum filium magistrum Pe-  
trum Marcum Subdiaconum nos-  
trum correctorem litterarum nostrarum  
pro colligendis Ecclesiæ Romanae censibus  
aliisque negotiis destinemus, nobilitatem  
tuam, de qua plene confidimus, rogamus  
attentius & monemus, per apostolica tibi  
scripta mandantes quatenus ipsi ob rever-  
tentiam apostolicae fidei & nostram dili-  
genter assistens, consilium ei efficax &  
auxilium opportunum impendas ut & ipse in-  
juncta sibi negotia ope tua suffultus valeat  
auctore Deo feliciter consummare, ac nos  
sollicitudini tuae grata debeamus exinde vi-  
cillitudine respondere. Verum quia dilec-  
tus filius frater Constantinus conversus  
Carthagensis nos ex parte tua suppliciter  
exoravit ut dictum magistrum, quem pro  
eo quod in cancellaria nostra laudabiliter  
conversatus, per diutinum exercitum in  
hujusmodi plenius est instruitus, cancella-  
ria tua præficere cupiebas, tibi conce-  
dere dignaremur, nos devotæ fidei tuæ ac  
devotionis fidelis sinceritatem perpicuum  
sicut convenit attendentes, quæ perso-  
nam tuam tamquam specialis apostolicæ  
sedis filij & fidelis nobis advehit specialiter  
diligendam, & preces tuas persuadet quan-  
tum cum Deo possumus efficaciter exaudi-  
re, ipsum magistrum, quamquam non so-  
lum plurimum utilis, verum etiam valde  
necessarius nobis extiterit & existat, ut  
pote cuius fidei puritatem & discretionis  
prudentiam jamdiu in multis experti, ne-  
gotia nostra parva & magna eidem com-  
mittimus incunctanter, devotioni tuae du-  
ximus liberaliter concedendum, discretio-  
nem tuam rogantes affectuosius & monen-  
tes quatenus ipsum, quem propriae probi-  
tatis merita recommendant, habens pro-  
pensiū commendatum, taliter cum stu-  
deas honorare quod & nos, qui honorari  
reputamus in ipso, ad honorem & profec-  
tum tuum magis intendere debeamus, &  
idem, cuius obsequium tibi ac terræ toæ  
quamplurimum credimus profuturum, ad  
devotionem tuam fortius astringatur. Da-  
tum Signi i i. Idus Septemb. pontificatus  
nostrii anno quintodecimo.

Epist. 167.  
Vt P. Marcus  
cancelaria  
fuit præficere  
poslit.  
Vide hif. Al-  
big. cap. 66.

R R rr